

Қазақстан Республикасында немесе Қазақстан Республикасының кепілдігімен берілетін мемлекеттік қаражат пен инвестициялық кредиттердің есебінен жүзеге асырылатын объектілерді жобалауды және салуды реттеу туралы

Күшін жойған

Қазақстан Республикасы Үкіметінің Қаулысы 1995 жылғы 14 желтоқсан N 1726. Күші жойылды - ҚРҰ-нің 1997.07.03. N 1056 қаулысымен.

Қазақстан Республикасында объектілерді жобалауға және салуға бағытталған мемлекеттік валюталық қаражат пен инвестициялық кредиттерді пайдаланудың тиімділігін арттыру мақсатында Қазақстан Республикасының Үкіметі қаулы етеді :

1. Қазақстан Республикасының аумағында Қазақстан Республикасына немесе Қазақстан Республикасының кепілдігімен берілетін инвестициялық несиелердің мемлекеттік валюталық қаражаты есебінен жүзеге асырылатын инвестициялық жобаларды орындау жөніндегі бас мердігерді таңдау үшін, шетел фирмалары мен отандық жобалау және құрылыс ұйымдарының қатысуымен мердігерлік конкурстар мен саудаласулар (тендерлер) өткізу міндетті болып саналсын.

2. Егер мердігерлік саудаласулардың (тендерлердің) нәтижесі бойынша шетелдік фирма бас мердігер ретінде айқындалған, жағдайда, контрактілерде Қазақстанда дайындалған материалдар мен құрастырмалардың толық пайдаланылуы, сондай-ақ қазақстандық ұйымдардың көмекші мердігерлікте жобалау мен құрылыстың жалпы ауқымының кемінде 30 процент жұмыстары мен қызметтерінің көлемін орындауы қарастырылсын.

3. Мердігерлік саудаласуларда (тендерлерде) жеңіп шыққан немесе шетелдік фирмаларды көмекші мердігерлік жұмыс атқаратын қазақстандық ұйымдармен есеп айырысу Қазақстан Республикасының қолданып жүрген заңдарына сәйкес жүзеге асырылады.

4. Қазақстан Республикасының Қаржы министрлігі жанындағы Шетел капиталын пайдалану жөніндегі комитет Қазақстан Республикасының Құрылыс, тұрғын үй және аумақтарда құрылыс салу министрлігімен, басқа да мүдделі министрліктермен және ведомстволармен бірлесіп, бір ай мерзім ішінде Қазақстан Республикасының Үкіметіне Қазақстан

Республикасына немесе Қазақстан Республикасының кепілдігімен берілетін мемлекеттік қаражат пен инвестициялық кредиттердің

есебінен жүзеге асырылатын объектілерді салу контрактілерін
тіркеудің тәртібі туралы ұсыныс енгізсін.

Қазақстан Республикасы
Премьер-Министрінің
бірінші орынбасары

© 2012. Қазақстан Республикасы Әділет министрлігінің «Қазақстан Республикасының Заңнама және
құқықтық ақпарат институты» ШЖҚ РМК